

MANIFIESTU D'APOYU A LES RADIOS LLIBRES ASTURIANES

Dende _____

queremos mostrar la nuestra protesta más firme pola actuación de la Xefatura Provincial de Telecomunicaciones d'Asturies respecto de les emisores comunitaries.

La Xefatura Provincial de Telecomunicaciones d'Asturies, dependiente de la Secretaría d'Estáu de Telecomunicaciones y pa la Sociedá d'Información (Ministeriu d'Industria, Turismu y Comerciú) entamó l'unviu de cartes a les comunidaes de propietarios onde s'asitien los equipos d'emisores de radios non autorizaos. Nelles ríquen-yos información de la titularidá de los equipos y infórmenlos de les sanciones posibles que lleguen hasta multes de 500.000 €.

Consideramos que l'envís de la midida ye en cierto'l presionar a estes emisores y asustar a les comunidaes de propietarios que dieron el preste a la instalación d'equipos.

Tala interpretación correspuéndese pa detrás coles declaraciones del Xefe Provincial a dalgunes de les radios afectase onde-yos indica la so fin de favorecer el pieslle d'estes emisores que lleven tantos d'años emitiendo na "ilegalidá".

Trátase, poro, d'una midida d'acosu y de criminalización pa coles radios llibres y comunitaries asturianas por una situación d'irregularidá que ye responsabilidad de l'Administración autonómica y estatal.

Asturies cuenta con una tradición importante de les denomaeos radios llibres y comunitaries que principiaron a surdir a empiezos de los años ochenta. A pesar del importante llabor desenvueltu por estes iniciatives ciudadanes nel ámbitu de fomentu de la cultura asturiana, la participación ciudadana, el pluralismu y l'exerciciu de la llibertá d'espresión, les distintes Administraciones evitaron el reconocimientu llegal d'estes emisores dexándoos nuna situación de precariedá y indefensión.

En vez d'actuar contra les radios comunitaries ye necesario facer efectivu l'artículu 4.1 de la Llei 7/2010, de 31 de marzu, Xeneral de Comunicación Audiovisual qu'indica de manera testual que "Toles persones tienen el derechu a que la comunicación audiovisual s'ufra al encruz d'una pluralidá de medios, bien públicos, comerciales, bien comunitarios, que reflecten el pluralismu ideolóxicu, políticu y cultural de la sociedá".

Poro, MANIFESTAMOS:

- El nuestro apoyu y solidaridá pa coles radios llibres y comunitaries asturianas.
- Esiximos que s'acaben darréu les midies de presión pa coles radios llibres y comunitaries asturianas.
- El reconocimientu del llabor desenvueltu por estes emisores y la planificación de frecuencies que respuenda a la demanda de Servicios de Comunicación Comunitarios n'Asturies pa cumplir lo estableció nel artículu 32.2 de la Llei 7/2010.

Firmao:_____